



Personvernerklæring

Denne personvernerklæringa fortel korleis Kvito-konsernet (heretter kalla Kvito) samlar inn og brukar personopplysningar.

BEHANDLINGSANSVARLEG

Dagleg leiar for Kvito er behandlingsansvarleg for alle personopplysningar som blir behandla av Kvito knytt til ordinært tilsette, vta-tilsette og kundar.

Nav er behandlingsansvarleg for alle personopplysningar som gjeld jobbsøkjjarar i arbeidsretta tiltak vi leverer på oppdrag for NAV. Vestfold og Telemark fylkeskommune er behandlingsansvarleg for personopplysningar som gjeld jobbsøkjjarar i tiltak vi leverer på oppdrag for fylkeskommunen. Den enkelte kommune er behandlingsansvarleg for personopplysningar som gjeld jobbsøkjjarar i tiltak vi leverer på oppdrag for kommunen.

Formål

For personopplysningar som gjeld ordinært tilsette og vta-tilsette er formålet med å behandle personopplysningar knytt til personaladministrasjon, slik som utbetaling av lønn, registrering av frammøte, handtering av sjukefråver og så vidare. Personopplysningar knytt til tilsette blir henta inn direkte frå den registrerte, og frå offentlege myndigheiter slik som NAV og skatteetaten.

For personopplysningar som gjeld kundar er behandlingsformålet ordrebehandling og leveranse av varer og tenester. Personopplysningar knytt til kundar blir henta inn direkte frå kunden.

For personopplysningar som gjeld jobbsøkjjarar i arbeidsretta tiltak er formålet med behandlinga å levere ei teneste i høve til kontrakt med NAV, Vestfold og Telemark fylkeskommune og den enkelte kommune. Personopplysningar knytt til jobbsøkjjarar mottek Kvito frå NAV, Vestfold og Telemark fylkeskommune og den enkelte kommune. I tillegg hentar Kvito inn personopplysningar direkte frå jobbsøkjjar.

RETTANE TIL DEN REGISTRERTE

Rett til avgrensa behandling: Den registrerte kan ha rett til å krevje avgrensing av behandling av egne personopplysningar. Dette inneber at personopplysningane ikkje kan brukast til noko, berre lagrast.

- Rett til innsyn: Den registrerte har rett til innsyn i personopplysningar som gjeld ein sjølv.
- Rett til sletting: Den registrerte har rett til å be om at Kvito rettar eller slettar opplysningar om den registrerte når dei er feilaktige, mangelfulle eller unødvendige.
- Rett til dataportabilitet: Den registrerte har rett til å ta med seg sine personopplysningar frå ei verksemd til ei anna.
- Retten til å motsette seg automatiserte avgjerder og profilering: Automatiserte avgjerder er vedtak som berre er basert på maskinell behandling. Profilering vil seia å utføre ei maskinell analyse for å vurdere ein person si helse, økonomiske situasjon, arbeidsprestasjonar, åtferd eller liknande.

Ynskjer du å gjera dine rettar gjeldande, kan du få hjelp til dette av Kvito sitt personvernombod. Sjå kontaktopplysningar på siste sida.

TIDSRAMME FOR BEHANDLINGA

Personopplysningar som Kvito behandlar knytt til tilsette vil bli sletta etter eit år etter at tilsettingsforholdet er avslutta. Unntaket frå dette er personopplysningar som blir behandla i høve til rekneskapsloven.

Personopplysningar som Kvito behandlar knytt til Kvito sine kundar vil bli sletta eit år etter at siste ordre er registrert.

Personopplysningar knytt til jobbsøkjjarar slettast 3 månader etter at sluttrapport er sendt til NAV.



SIKRING AV PERSONOPPLYSNINGAR

Kvito lagrar personopplysningar i eigna dataregister. Alle systema har tilgangsstyring som sikrar at uvedkomande ikkje har tilgjenge til personopplysningar. Vidare gjennomfører Kvito jamlege internkontrollar for å sikre at personopplysningar blir behandla i tråd med lovverk og prosedyrer.

UTLEVERING AV PERSONOPPLYSNINGAR

Kvito utleverer ikkje personopplysningar for ordinært tilsette eller kundar til tredjepart, med mindre det er eit offentleg organ som har krav på opplysningane med heimel i lov. Når det gjeld personopplysningar knytt til jobbsøklarar og vta-tilsette blir opplysningane berre utleverte til behandlingsansvarleg, det vil seia NAV, Vestfold og Telemark fylkeskommune eller den enkelte kommune.

PERSONVERNOMBOD

Eit personvernombod er ein person som er utpeika av ein behandlingsansvarleg og godkjent av Datatilsynet. Personvernombodet har som oppgåve å bidra til at den behandlingsansvarlege følgjer regelverket for personvern.

Dette inneber mellom anna å

- sjå til at behandlingar av personopplysningar blir meldt til ombodet, og at meldingane inneheld korrekte og tilstrekkelege opplysningar.
- å føre ei systematisk og offentleg tilgjengeleg oversikt over behandlingane.
- å sjå til at behandlingsansvarleg har eit system for internkontroll som tilfredsstillar personopplysningslovverket.
- å hjelpe dei registrerte med å ivareta deira rettar etter reglane om behandling av personopplysningar, å påpeike brot på personopplysningsloven til behandlingsansvarleg.
- å gje Datatilsynet opplysningar dersom tilsynet ber om det, mellom anna føreta undersøkingar i konkrete saker, å halde seg orientert om utviklinga innan personvern.
- gje råd og rettleiing til behandlingsansvarleg om behandling av personopplysningar og reglane for dette.



Du kan lese meir om rettane dine på Datatilsynet sine nettsider:

<https://www.datatilsynet.no/rettigheter-og-plikter/den-registrertes-rettigheter/>

BEHANDLINGSANSVARLEG OG KONTAKTINFORMASJON

Behandlingsansvarleg er:

Kvito AS v/dagleg leiar Torbjørn Blichfeldt Dyrland, 932 61 670

Dalenvegen 28 3890 Vinje

Org.nr.: 971 172 207

Personvernombod i Kvito, som du kan kontakte om du vil ha informasjon om kva som er registrert, retting og sletting av opplysningar, er:

Åse Synøve Neshet, tlf.: 35 60 73 12/468 65 520

epost: aase.neshet@kvito.no

Du kan også kontakte oss på epost: post@kvito.no eller telefon 35 07 75 00